

四庫全書

集部

欽定四庫全書

御製詩三集卷四十

古今體一百三十一首

甲申六

六月朔日作

夏仲晴尤好堆場收麥秸今朝入六月避暑坐高齋四
序不相讓一心奚所懷祈年惟稼穡咨政迪明諧花馥
仙人棗葉深兔目槐晚來族雲布大需益當佳

夜雨

昨晚雷雨落所惜勢未成入夜復焚絲遂致聽有聲然
又弗大霈忽陰旋忽晴雖非渴望際誰無得隴情二麥
收已定晚田正待耕歌枕耳屬窓念為農功縈終當溥
作霖應節霑時行

染霞樓對雨

時作濃陰時放暉午過旋復灑霏微高樓有句須分付
莫便為霞一片飛

夜雨誌喜

六月初
二日

入夜霽霽真成霖斷續恒聽簷泉斟芭蕉颯沓舒新軸
湖石玲瓏調暗琴枕簟生寒復何礙星辰輻朗偏宜陰
二麥收定入困鹿禾黍怒長資膏去聲淋祇收雨益無慮
害況未亟望喜倍深雖然喜當戒志滿盟之衾影毋忘
欽

池上居漫成四首

夏節偏宜池上居今年原是始相於時晴時雨氣含爽
曰石曰泉景似初

詩篇四壁寫重看不住之中常住觀繞砌草花真得意
假山祇欠老松蟠

石渠落水響依然篋弄香光書畫禪神物定知丁甲護
喜他未付八人煙

去年已事不堪思隔歲依然冰牖披此際了當忘結習
洗心甘雨一為怡

題方琮倣文伯仁聽雨樓圖即用題伯仁畫韻

疏龍為首注池溝池上書齋不是樓惟以雨暘塵霄肝

每因休咎託欣愁漫教展拓戲魚本

文圖懸壁略窄愛其意故令方琮展

拓為之

何必深求刻劍舟素壁懸看寬窄適庭雀滴響正

無休

晴

侵曉尚霽霽雨勢殊未央情知作霖時不免慮其長卓
午雲四散空宇騰曦光膏澤既渥霑額手慶宜暘較量
切農夫性然非勉費

雨後萬壽山

快雨還佳霽垂涼合陟山羣芳滋長養萬綠鎖屏顏天
色琉璃表波光襟袖間幸因遇時若稍以暢幾閒

霞芬室

蘭麝縱宜薰微嫌有火氣爛如一湖霞其芬實佳致纈
成淡遠色噴出清淨味目視與鼻齕洒然無所繫君子
竟禪和覲面來說偈

借秋樓

窓挹波光庭種楸一天颯景在高樓履霜早是羲經著

底事循名更借秋

題味閒齋二首

周書無逸是吾師豈不圖閒閒豈宜筍席何常暇煖坐
輸他三字鎮橫楣

林姿峯態朗含滋分付虛齋受所宜開眼見明閉見暗
味來總是少閒時

石舫

石舫寧非舫不浮恒是浮廣輿微具體寶筏喻從頭佳

景風還月煙波春與秋忘懷魚鳥適恰似泛滄洲

題耕織圖

隄界湖過

平聲

桑亭橋水村迎面趣清超潤含植稻連農

舍響訝縑絲荅客橈柳岸風前朝爽度石磯雨後漲痕

消分明一段江南景安福艫

南巡所御船名

中引興遙

泛玉河至玉泉山

玉泉無十里一水喜舟通值此良辰暇兼乘順勢風到
園剛片刻問景似仙鴻舊句重吟處新題獨覓中

冠峯亭口號

絕頂為亭雲盪胸天然畫意亦禪宗
目遊千里生遙想訝勝南朝紗帽峯

嘉蔭堂

菁葱萬葉夏中齊著箇書堂古與稽
已自氤氲含宿潤訝如薈蔚閱朝濟
翔鳥緣隙真難逞歸鳥尋巢忽易迷
別有會心非適已欲敷嘉蔭福蒼黎

竹鑪山房烹茶作

飲食尋常總玉泉

大官飲膳之需
例向玉泉取水

却因泉近事烹煎寧

非著相斯多矣難解循名曰偶然火候武文信誰辨茶
差供奉笑他便畢思陸羽盧仝輩免俗真應讓爾賢

招鶴庭

逐處愛放鶴放鶴每成詩於斯乃招之招之又何為
我白羽客其心本不羈設如放之去招之復來隨則是
戀稻粱何異彼埒雞偶然立閒庭絮矩繫予思蒲輪稱
盛事南山致隱辭闕顧有正道名高詎宜師

題翠雲堂

追暑書堂夏耐尋
兩株古栝植庭陰
風來北牖聲含峭
代閱金源事已沈
低俯草花任萋萋
仰叅雲漢自森森
種時伯仲同斯翠
殿護承光鬱禁林

御河橋東承光殿
前墀森列古栝松

柏皆金
時物

甄心齋

水秀山明窟林深
徑曲關竄宜消夏
暑況復值幾閒趣
在形神表妙因淡
遠間甄心非罔象
仍以憶民艱

裂帛湖三首

越穀吳紉水面鋪不須裁剪費工夫春明勝景惟餘此
臺殿金源覓蹟無

不獨當前淡色呈泉臨溪口靜常鳴白家詩裏尋清會
正是四絃如一聲

織出鮫人不費縑倩誰新樣製宮袍清風似識杜工部
借與并州快剪刀

靜緣書屋

云境靜人乎意恬趣自逖云人靜境乎谷深機亦寂是
謂兩相緣既靜緣誰識分別義落二擬議文猶飾書屋
乃無言漠然會以默

偶讀白居易贈尹公亮詩因用其韻

居易詩云如何持此將干謁不及公卿一紙書是
以詩為仕宦捷徑矣尚可謂之詩哉觀其詩可以
論世抑亦有所不足於此老云

抹月吟風樂有餘反招隱操著康琚若云干謁資斯道

言志先奉虞帝書

庭松用白居易韻兼效其體

清暉閣之前九松盤當階五十年以長

上聲

已與高閣齊

無端被回祿枯焦氣為低是有歎松作園人命補栽青
瓦重覆屋白石仍起臺禽故絃調春草還茵鋪泥風清
朝自爽月白夜猶淒嫩篁夏不改閒花敷亦哀祇有新
移松未卒放喬枝特立堅貞性遲成異凡儕我方佇凌
雲癡望固宜咍嘉蔭雖艱臻謏籟亦時來隔窓試披聽

一例塵襟開用悟為學方欲速非良才鳳凰翔青霄蚯蚓僵黃埃因賡庭松詩了識樂天懷

博洛爾部沙瑚沙默特所獻七首歌

風胡歐冶徒傳昔淬鋒斂鐔術誰核外域尚鬪防暴迫必佩利器求精飭博洛小部自守域近拔達山時被逼

訴之守臣為和息

拔達克山與博洛爾部接壤屢行搆釁圍城劫掠其部長沙瑚沙默特乞

援於駐劄葉爾羌都統新柱遣使誠諭拔達克山恪遵約束還俘罷兵沙瑚沙默特進貢謝恩七首尤其部中所竄珍者感恩獻此表食德出匣月芽光奕奕斷蛟龍復刺

犀革解紛懷遠斯堪式非同侈詡鄭遵得

恭奉

皇太后賞荷得句

去歲山莊荷似錦今年御沼錦為荷可知夏節承

歡處便是宮中行樂多
嫩葉潤時晨露重
遞花香際午風和
春明盛事傳西苑
曾見臨池得句麼

詠黃山松

巧匠移雲根
剝松辭疊嶽
植盆忽過江
盤枝故偃蹇
依

然標古度卓爾契道筦三十六峯翠鬱葱常滿眼春風
聲奏濤秋月陰張繖昂首問庭松何不可為伴恰似陟
移人壽長身則短

題任仁發張果仙蹤圖

中條山色鬱叅差中有幽人道術奇未許世間知里系
忽從朝寧謁威儀坐如鶴瘦神猶逸放出驢馳意不羈
可惜雖曾仙藥進霓裳驚破那能醫

閱伊犁將軍明瑞奏章因成口號

伊犁奏章傳驛至無他惟籌耕牧事更喜蔥海每霑膏
雖不言祥此真瑞

熱

寒暑運四序夏炎詎可無今歲酷炎遲其因雨時乎不
雨五六日頃覺歊蒸殊扇薰鬱異女游光勃陽烏二麥
既穫定大田綠雲鋪雨弗雨皆可略得心閒吾以言湔
溽熱莫若頻霑濡

雨泛

六月初
九日

飛雲

舟名

六棹共雲爭一片滄池汗漫行
賴有雨絲聯貫

處却如和事與調平

不疾不徐勢作長洗將炎熱送微涼
詩情畫意皆酬了
恰喜天邊朗夕陽

去歲

去歲山莊稱避暑也原炎熱熾如薰
今年膏雨常依節
消得書堂靜不紛高樹總能佈嘉蔭
夏花偏覺有清芬
神心適處忽弗憚為繾農夫炙背耘

泛月四首

朗月輕舟有宿期
其間夏夕更清宜
水風淅淅含涼度
星斗踈踈讓魄披

過弦便覺素光流
每帶夕陽早放舟
輪碾向東今昨異
可能望不屢迴眸

披拂清波澹蕩光
去年今夕泛山莊
素娥漠漠天還水
那與人間論幻常

幾度登舟興迴殊
起吟誰得比肩乎
追歡最合留餘興

謝客樓欄那重去扶聲

含經堂對雨

六月十三日

曉雲送密雨落地便如霑不可詩無紀所欣澤有添聲
全響簷瓦涼半入門簾卓午便開霽西山露遠尖

爽籟居

築園年歷半百餘喬木得地枝扶疎就樹構屋不數架
團團嘉蔭含山居九夏颯然無暑到惟饒涼籟飄襟裾
樹古因之屋亦古其居使然聞子興進此寧弗更有事

進德脩業交殷予

耕雲堂

書堂枕碧川川水灌鱗田目屢耕耘苦心祈稼穡虔益
籌暘與雨那共牕和胼莫更屏風畫前呈七月篇

若帆之閣

高閣平陵水之裔動影漪搖網軒字若帆題額真若帆
下浸煙波上雲氣詎因風勢為轉旋常與月輪共光霽
恰憶浮玉坐江樓孰主孰賓孰同異然予絜矩在義經

時乘六龍御天際

望瀛洲亭子戲成三絕句

湖心構舍規三島湖岸開亭號望瀛
標榜莫猜出想像便真壺嶠也虛名

早覺真癡鄙漢帝那更幻樂羨唐臣
可知名利場中客不是神仙隊裏人

東海金波一縷絲須臾玉鏡大千披
仙家日月迅如此望彼瀛洲亦底為

山東巡撫崔應階奏報得雨

情繾青齊上下田麥登餘地未耕全此霑詎可彼因忘

問致居然報忽傳

方厘東省麥收後有望澤處降旨詢問茲撫臣奏報各屬于本月初旬先

後俱沐甘霖自二三寸至四五寸不等初九初十等日省城被澤尤渥大田可望有秋

近遠澤稱

一犁被高低稼卜二收連誰知半月殷勤望片刻封章

覽霍然

半月臺用李白韻

依山為露臺形與半月俱彎弓抱前面倚角出兩隅其

上有何樹猗猗植雙梧其下有何草芊芊鋪碧蕪廣寒
白玉欄光落影娥湖忽欲賡太白尋思又躊躇

御湖夕景

六月十四日

御湖夕景今夕奇晴雨雲月全攬之初載斜陽延晚爽
樹蟬響答如埴麈爾時東宇月已掛漸覺光朗烏藏曦
須臾西南雲作勢橫塘斜拂霏棼絲棼絲旋止雲片破
忽隱忽現金波披維舟際復全體露花漏曾未過一時
恍可人目有如是變化頃刻誰所為欲問變化誰所為

太空冥冥付不知

雨

六月
望日

麥收定矣稻抽秧正藉甘霖大霈霽邇日雖云勢作屢
應時要欲澤流長落階溫影還生滅鋪宇雲容自幻常
情識今宵孤載月便孤載月又何妨

討源書屋對雨

徹夜霏細霏曉來勢暫收

起居詣仙園退憩書屋幽密雲復低佈落雨掠空稠砌

石易積水池波亂起漚鳥雀樹底藏蚯蚓土上浮須臾
墻間口新漲垂響流佳哉夏霖況既渥還既優各省披
奏章多稱膏澤休額手謝

天貺農勞庶可酬

晚晴落照

六月十六日

時行作霖候虞多不虞少既霑斯額晴奢額吾自曉過
申雲片渙傍酉曦輪晶高樹偏有情葉葉霞光照蝸篆
乾壁間蟬笙亮林杪溽暑一以溘朗照真稱好今夕纔

逾望正宜泛琳沼

抑齋

青宮舊題額懿戒儆懷吾書室每仍以初心敢忘乎威
儀審縝密嚴正謹庶隅一再尊聞揆惟增愧慙俱

嵐鏡舫

近岸木蘭橫飄飄意與輕云舟曾不動閱水亦如行幻
裏浮嵐影想中鼓枻聲因知號真者何莫浪安名

碧瀾亭

池亭綈几對南薰
輕拂波光練影分
今日幾閒宜底事
便當異水一成文

題湛虛翠軒

四面窓櫺弗紙糊
網軒了可隔翔烏
光明通徹內還外
顧盼真教有若無
却暑袖招涼籟拂
延清襟惹綠陰鋪
一泓碧水階前俯
心所澄然得似乎

得趣書屋

今古讀書人蓋已
無央數問無央數
人幾人得書趣或

焚膏繼晷或削柳掃樹或不求甚解或記憶細故其趣
在自知其得非外驚繫我所宜味典謨垂法度孜孜尚
弗逮逢源那餘裕

挹香室

砌下千葩總遞芬架間萬卷又霏芸挹清真覺樂無射
火氣寧須睡鴨焚

溪亭對雨

六月十八日

時行大雨正斯時倒峽傾盆勢暢奇今歲猶然此初遇

為符農諺也欣怡

農人有六月連陰喫飽飯之諺

每當稍望即優霑

今歲自春徂夏每畧覺望澤即得優霑麥既穫而黍禾更復油然較往年

農況為尤幸

邇日連陰大滌災却有淵衷籌事豫只須應節

不須淹

豎落斜飛滿意涼溪亭畫景入瀟湘櫓聲何處扁舟泛

咫尺湖中却渺茫

山東西及河南北率報麥登逢澤優繾念甘涼餘數郡

陝昔楊應琚奏西省雨澤情形惟甘州平涼蘭州鞏昌所屬州縣內有得雨未遍之處邇時序當小暑晚禾待

澤正殷日來尚未接續霑之報深為懸佇未知此澤逮霑不

喜晴

昨日過午大作霖徹夜庶纖勢未止朝來雲容散復聚
繁絲細毳猶紛委情知夏暑候宜然小民怨咨寧可已
今午蓋周二六時西北風吹雲披靡氤氲開露天蔚藍
炳煥懸看日揚暉慶時雨即慶時暘總以民生為戚喜
壽莊親王七十誕辰

吾叔長

上聲

吾十六歲於今亦屆古稀年近尊行裏無雙

老闔藩衛中有數賢友愛深承

去聲

宗帝澤引教迴憶

平聲

祖皇邊

康熙六十一年奉
皇祖旨令王教予鎗箭

由來齒德光朱邸恒藉

儀型福壽綿

夜雨朝晴

夜雨滋禾黍苗秀秀實猶延佇朝晴暄黍禾霑即宜暘
奢望多較晴量雨廿九歲欣少愁頻率成例今年自春
速徂夏可謂時若承

天惠

天惠由來不易承
謙受滿招一念際
一念目前何所願
所願雲收大開霽

昆明湖上

快霽朝來殊暢心
幾餘湖上試追尋
東隄石齒腰含漲
西嶺雲歸頂尚陰
風細波輕全拂暑
霑優暘若恰宜
今六橋那畔鱗塍接
騁望新秧喜不禁

登望蟾閣作歌

湖閣三層弗恒登登必天風拂襟袖朱明伏暑寢炎朝
拾級乘涼正斯候扶欄未出曲折幽已覺白汗辭膚腠
絕頂心目為霍然堅欲添衣忘夏晝九霄颯爽座間披
四面畫圖鏡中鬪水田綠雲既疊鱗荷浦紅霞復錯繡
應接不暇合靜觀兩言蔽之曰明秀致此得失乃各半
欣以為愧過自首

寫秋軒口號

雨後山風颯爾吹野芳繞砌露華滋一聲蛩響叢叢間遞

各寫秋情肯讓誰

惠山園荷花

山園過雨看荷花如濯蜀錦浣越紗露珠離離無色象
風麝馥馥饒清嘉陸葩水卉真鮮比梁溪想亦舒芳矣
裳裳一例鏡中華南北異同漫議擬

袖嵐書屋

山陰別一峯亦具勢累巖巖谷雖不深望遠興斯倍書
屋樸而幽水簾如子待憑窓縱遙目反觀契真宰惟有

襟袖間西山爽氣在

移松

去歲山莊雨後有移松之作茲御園假山林丞初
種時圖美觀所植益密楓栢之類已長而松猶低
伏雨露風日之恩率彼速成者侵之不可聽其然
亦所以惜良材也

真山竄易霑地氣所宣併假山不易霑夏霖乃滋潄叢
樾蔚真山高低喜並育植林於假山高暢低委曲物物

有至理會心則在獨而何後凋質受屈速成族值此土
崕濕移彼虬枝縮雨潤與日暄誰復侵爾祿凌雲應有
日寧數楓栢簇自謂得佳趣弗俾良材伏任人詎異哉
其難益增慙

賦得鳶飛魚躍

大雅辭先著中庸趣重去聲拈天飛寧著力淵躍自知收

雲翮原昭上波鱗亦出潛流行活潑潑豈弟興厭厭絜
矩作人化造端君子占理詮兼內外是用揭楣檐

晚晴即景

蟬蛸飲在東晚晴今始定苦霖縱未致宜暘終覺慶空
宇雲難留落照曦欣暎溽蒸那可辭上伏炎方盛彼蟬
則何知萬樹鳴相競

題和闐玉雲巘孤僧

背笠且露頂肩錫自踱步翛然不繫懷獨向雲深去

西直門外即景六韻

彌月此循陌迴鑾因視朝夏田較春茂朝霧喜雲消梁

際已抽穗麥餘新茁茁

收麥後種黍復茁新苗矣

市間落麪價籬上

夥爪條大勝從來景惟希此後調西成期尚早那敢意

逍遙

養心殿晚景

宮殿琉璃瓦日照炎越欵心以盼快晴覺欣弗覺鬱庭
除列盆植更喜爽風拂彤墻隱下春颯景舍隆崛明朝
御太和垂衣覲簪紱

淑清院禱詠三首

御殿常朝禮易成西華路轉趁涼行
黻裳脫却生衣換
真覺林泉淑且清

壺中尋逕得巖齋素尚蕭然意與佳
何必北窓待風至
娛神亦可傲無懷

翠木叅天原袪暑白泉響雪解招涼
竹鑪火候今姑捨
片刻聊將七字償

日知閣疊舊作韻

尊聞在加意要亦視行知道協天人
貫藻袪月露辭每

臨佳景處總惜寸陰時川上思尼父流看不舍斯

望瀛臺未至

乘爽臨春耦隔湖望趨臺非關常見置耐可寄情迴松
柏雲標翠畫圖鏡裏開擬詢發舟者誰果到蓬萊

題春耦齋

視朝昨日宿彤闈宜夏還因御苑歸便可傳餐延小駐
迴思試耦迅如飛田看一律公私茂秋預千倉黍稷希
目下望晴晴正好那辭蒸暑熾炎暉

高梁橋放舟至昆明湖沿途即景雜詠

邇日炎歊特異常放舟川路取延涼
幾灣過雨荻蒲重夾岸含風禾黍香

何必嫌遲上水船溪風襟袖正泠然
岸旁行騎活於畫樹裏鳴蟬清勝絃

垂涼纜急進舟輕隄柳濃陰覆水清
樂善園將萬壽寺今朝權付不留行

繡漪橋過即昆湖萬頃空明意與俱
已到清涼無暑處

不妨勝處憩斯須

鳳凰墩

湖裏鳳墩迎遊因舟便程經年纔一到片刻又將行座
似陪月置牕惟納簾清徘徊擬自問構築更何情

過柳橋看荷花

柳橋橫界水東西西淺東深致不齊淺乃宜荷花正放
過橋似入絳雲低

香以真清色不妖寥天一即一天寥眼根鼻觀定何物

那更託言塵念消

春光六月入銀塘
舟過花扶定不妨
白鷺驚人鷺飛起
半空猶帶滿身香

清可軒

維舟命肩輿
黃緣山陰徑
山陰何處佳
清可佳
鮮併巖
軒復不高
數武便造勝
夏屋覆峭壁
炎曦所弗競
室無
白汗揮
窓有涼颼
迎坐久欲忘
吁此非勤政

綠畦亭

倚巘為亭纔四柱綠畦近遠皆堪觀
芄芃稻苗實異常祇為今年若暘雨
十艱五遇豈易逢時速登場尚延佇
寧不欣然寧不愁安得歲歲如斯普

翠籟亭

翠是色中淨籟為聲裏清寂宜長夏
憩可以滌諸情黃氏休亭賦杜家古
柏行傳神有別會不必更加評

繪芳堂

幾簇山葩傍砌陰舒芳得氣是秋金
那知桃李辭春谷

欲看芰荷凋夏渚也自有花鮮藏蝶何曾結實引飛禽
設從輕淡觀生意粉本其人定姓林

溪亭夕照

霽雨凌晨洗炎暑快晴午後坐溪堂今朝不擬遊船放
直到西山看夕陽

西北風吹襟袂清涼收柱礎嫩涼生前朝苦熱如秦越
却笑何曾有定情

幾片薄雲染作霞映池波復皺金蛇溪亭今日為孤注

不肯輕輸五柳家

種樹沿溪取布陰滿亭延得翠深沈間

去聲間平聲

露出新

詩趣閃閃風搖葉葉金

六月晦日

一日復一日六月明朝換不惟夏已盡抑且年過半長
晝尚頓消急景那遲慢膩雲一縷無爽風終日扇欣晴
殷祝篝惜陰忘喻箭

題和闐玉高士臨泉

雲外飛來百道泉
浩然千丈落前川
屢屢觀者伊誰氏
疑是大宛北谷仙

七月朔日作

定時遲立秋

月十日方立秋節

朔逮秋之孟連朝晴已佳月始

晴尤稱碧天雲欲閒
喬樹風如勝誰云十日
遙物象傳金令

夢中效白居易體詠清暉閣前松樹子醒而猶記
輒復書以誌之

清暉閣前松樹子移來得地放新枝便饒百歲看成長

纔似舊松回祿時

舊松已歷五十餘年今松若長至五十年則余當百歲矣並戲識之

討源書屋對雨

七月初四日

今歲雨暘實應時二麥飽收大田好因之益切保好心
先期每為厓懷抱中伏正行大雨際三白偏值七月巧
以此怵惕志不寧經事多因畏事早月之三日過午雨
其夜細零忽達曉問

安便以憩書屋雲聚又復焚絲浩情知尚不至為沴所

望速晴免致潦傍晚幸轉西北風吹雲頽露斜陽皓

荷露烹茶

荷葉擎將沆瀣稠天然清韻稱茶甌勝泉且免持符調
似雪無勞擁帚收氣辨浮沈原有自火詳文武恰相投
竈邊若供陸鴻漸欲問曾經一品不

即事

東北風雨西北晴擬詢巽二曾何情試之屢驗却弗爽
老農較量粗而精春希東北偏艱致夏盼西北實不易

天地之大人猶憾蓬蓬那盡如人意癡然絜矩為政方
夙夜基命寧敢康

喜晴

不雨已兩日雲容散未淨以此意懸懸吟詩亦乏興傍
晚放晶陽絮鱗勢弗勝天色蔚新藍額手晴始定蟬欣
列樹鳴魚樂浮波泳爽颺暑已拂夕暉光朗暎遙思田
畝間良苗長相競

七夕

曉無一鵲在庭柯聞說填橋去絳河帶水果然是天塹
隔年纔許此宵過常離別即不離別曰會麼原非會麼
細雨洗車真箇巧祇宜應節弗宜多

新月

邇來弗雨猶雲作今日全消朗碧天纔得新秋對新月
可能相見不相憐瞞人幾度傾西宇明夕居然逮上弦
分付黃頭司所事定當垂爽泛蘭船

泛月

傍晚襄雲徂天色藍於水望晴劇邇來晴定今朝是新
月寬較眉當秋益清美誰知霽雲中偷過數宵矣今宵
可孤負緩棹滄池裏暝早載光長籟峭延涼駛所以異
於夏景遷實定理挾藻興因豪侍臣謂我喜我喜詎在
茲蓋在宜農耳

午熱

土溽易蒸熱了知夏欲殘雲開日轉烈風定水無瀾情
不嫌歆劇心因宜稼歡明朝立秋節孤注設炎官

泛月八詠

霞

夕陽已入尚餘霞
旋暝紅光幾縷斜
疑是廣寒設秋讌
玉仙來駕碧綃車

風

底須愁熱奈如何
已喜秋風拂水過
別有一般神解處
請看流動是金波

湖

載將秋月亦平湖何必餘杭十景圖寬較吳鉤窄較鏡
印於空濶那嫌孤

舟

剡節湘筠葦作舟雅饒畫鷁稱清遊呈來素月剛迎面
訝似黃岡登竹樓

蟬

蟬喜新晴弄響稠秋涼入夕尚無休

蟬音有似呼秋涼者俗即名之曰秋

涼兒羽衣鼓出霓裳調欲問廣寒可似不

螢

腐草今年候略違
秋宵始見亂螢飛
銀蟾朗徹三千界
何礙為光有爾微

蛩

何處秋聲來切切
隄間是矣樹間非
迷離芳草猶餘綠
又得王孫此夕歸

岸

漸覺樓臺向近移
到來耐可月舟維
留餘興待明宵好

遊賞寧當淹久時

立秋

龍火時頽去，金秋午轉來。

是日午正
初刻立秋

西南報風好，素宇

正雲開。楸葉堪簪帽，禾苗欲亞臺。籌農真是幸，惟益勵
欽哉。

題方琮秋景

落澗飛泉疊樹端，劃分松綠與楓丹。誰知秋色一朝至，
了識流陰逝水觀。寺閣迥臨千嶂外，書堂虛借萬筠攢。

高樓閒著無人坐應待山陽憑檻看

霽華樓

天朗雲收火迫秋快晴因陟霽華樓遠山青翠近呈照
迥宇空澄低若浮霞影輕宜入荷沼露珠灑喜泥禾疇
舒眉寧為去聲欣攬景今歲農勞庶可酬

稻香亭

暘雨幸時若黍稌兆歲多芄苗長上聲畝異結實穰騰羅

黃欲雲中染香從風處過弄田占有喜寰海願均和

解愠書屋

選題額枅振虞帝昔聞遵解愠言何易民若畏是真稍
欣暑雨過披得爽風新萬寶西成後庶幾鮮饑貧

若帆之閣

高閣臨水名若帆若帆妙義多包函駒影之時閱以四
如環之運參以三清風明月食無盡舟行岸轉疑有兼
而我取喻十思疏更因切切畏民若設其肆志弗顧慮
掛席過駛危或跼今朝西北來習習正宜快霽因農收

悅霽亭

又是中元節兼逢快霽時有風皆送爽無物不含怡
黍隴農驅雀蘭蹊僕發輜將幸避暑山莊是日已發輜重前行前題一再讀
睫眼兩年馳

題文從簡寒山圖

老筆寫寒山寒山座席間撐雲松突兀繞砌瀑潺潺
鶴是支公物峯標大士顏依依皆宿識了了省新攀
真可遙情託誰能結習刪輸他曳杖者一字曰惟閒

中元日放河燈

秋雲淨斂落斜暉
節賞中元例事依
天月正團水月印
池蓮欲謝火蓮輝
蛩笙似助盂蘭唱
鶴駕如朝玉闕歸
喜在宜晴宜寶穉
時和益切慎幾微

黃居案蛤子蝴蝶圖

荷葉枯擎金線蛙
相然蝶可是南華
漫言飛躍非同族
海眼猶來本一家

御製詩三集卷四十

欽定四庫全書

集部

御製詩三集卷四十二

詳校官侍郎

臣謝墉

助教

臣常循覆勘

總校官原任中允

臣王燕緒

校對官學正

臣卜維吉

謄錄監生

臣戴典

欽定四庫全書

御製詩三集卷四十一

古今體一百二十三首

甲申七

恭奉

皇太后啓蹕幸避暑山莊作

爽颼皎日曉秋天闌上行將試大畋敬奉

慈輿循後頓

向每日奉慈輦逐程而進以便問

皇太后

鈞旨欲伺日啓程是日駐湯泉較近而後一日至山莊則程既緩而隨從諸人亦均適便朕欽遵遂以為例

爰驅清蹕啓前旃浮橋潦水收新漲彌野香風拂甫田
歲歲塞巡觀寶穡最佳寶穡是今年

降旨免經過州縣賦十分之三詩以誌事

北巡經赤縣例免三弗取去歲及前年乃至十之五誠

以遭洊饑民艱厘心苦兩熟幸去歲

去歲麥既收秋田亦頗稔元氣

復未覩今夏麥勝昨大田若暘雨按轡所經歷翼翼芄
稷黍登場在指日審足資三鬴可以按恒例免三增惠
汝其實賦幾何寧如遇豐廩

天恩信博濟人事終小補

午熱

午熱已駐蹕行宮樹靜柯騎

去聲

臻先繫馬馱

去聲

後未休

駝何必不衫履由來慣帽韉

行宮召見地方有司無不冠服不以炎熱失儀也

雖云覺炎熾所喜利嘉禾

曉行

趁曉策征駢衝涼欲袷衣迴思昨午燥訝似隔年違野
水帶橋淺炊煙冒野微由來秋後熱君子貴知幾

懷柔縣行宮停蹕

彈汗緣耀武歸化欲敷文自在網維挈寧闕名字紛行
宮纔數字停蹕迴堪欣敦樸欽

先典吾惟揚覲勤

潮河

白河過浮橋庠奚厯迤邐潮河帶城南弗渡遵其溪近
郭列市鄺枕堰非高峙緩急何所賴尋思蓋久矣謀安
民自知寧必更張屢叶洶湧奔新漲竹箭莫喻駛昨晚

東北雷聞聲今見爾

賦得石戴古車轍

土變為石因而車跡猶存此可以闡杜詩未發之
義遂以成詠

北征曾著句未發義猶元鶩爾見車轍填如戴路邊出
門仍自合閱古尚依然詎是石工斲尤非井溜穿灼知
因土變用得識輪駢那有螳螂怒惟餘蜿蜒連遵茲堪
潦避平時驅車者皆不由此恐妨輦輪至潦行時率就此而進以石堅不致泥濘陷車也由此視

時遷妙蘊思工部五言為去聲注詮

要亭行宮即景

向北田愈好遙亭那覺遙連朝日欣曝陣雨潦全消晚
樹風含爽閒花露浥嬌明當出關口聞說稼尤饒

攬勝軒放歌

北河澗接南河澗谷中曉氣金風翻須臾日出高峰朗

跋馬真是邳天門

橫嶺入雲潮河帶其下
俗名南天門軒在寺傍

祇園左側有

精舍我向名之攬勝軒每來憩坐必攬勝縈青繚白羅

嶮嶮條池夏木猶餘翠
低甃高葉紛繡帟九閭何必守
虎豹夔夔為憶三閭言

出古北口作

昨夜微陰詰旦晴
千山翠色並晶明
今朝秋末三庚盡
便有涼風馬上迎

雉堞依然棲絕峰
亡秦寧可恃提封
若無竟海巖巖者
今日誰因笑祖龍

因山為市操

去聲

奇羸列販從來不事征

凡關口例有稅
惟古北獨無蓋

皇祖欲加恩此
地民至今遵以為例

百歲老人歌厚德街旁一例執香

迎

高下秋田苗總芄果然關外勝關中宜暘邇日心誠慰
因慰翻殷懼滿衷

兩間房行宮即景

樹陰深處覺微涼脫却單衣換袷裳開戶對山如話舊
隔林見鹿不能詳庭禽喜客殷勤語砌卉當秋自在芳
墾種人家已滿百昔名猶說兩間房

過青石梁

石棧隆崇雲裏盤
北來屈指最高巒
昨朝細雨不成陣
今日晴空迴覺寬
過嶺東西異流水
策驄上下一征鞍
剡脩歲久塗臻坦
可復誰歌行路難

口號

山北片雲霏雨山南秋宇懸曦
比似人情無定漫言塞
景獨奇

至喀喇河屯行宮作

一谷芃芃華黍風依山高下見行宮良農所望惟銅雀

司圉呈來總駿驄

上駟於四月間徐驅獵馬至此牧養以脩行圍車駕到時牽至行宮門前

呈覽亦舊例也

披霽心懷真是爽當秋意氣不期雄列藩路左

迎鑾至都說嘉禾處處同

灤陽別墅

別墅山陽復水陽蒼松叢裏到書堂受曦故是多逢熱
延籟令番陡覺涼碧宇無雲心與淨綠坡有草鼻生香
寒蛩唧唧吟閒砌昨歲秋聲幻即常

小金山

每至山軒必有言上懸碧宇下江翻似茲聲色攢攢地
何處著他衆妙門

欄杆迴據玉芙蓉落落階前百尺松若與石簿論小大
須彌東葉草稱宗

繞階石古點莓苔山果因風落幾枚底事今朝頗覺喜
為看一路好秋來

虬蓋亭

就松築山亭亭久松並久盤盤蓋越張矯矯虬疑走名
象如風月蓋自太古有不盡復不竭用則隨人取獨是
亭與松此意亦知否

至避暑山莊駐蹕成什

每歲秋臨避暑莊建云至止暑先藏去年曾一觀其妙

去歲夏月即恭奉

皇太后駐此

夏清真稱樂以長預此清塵成例典

見前
作明當

愛日仰

康強幾閒那得饒清靜不盡吟題正待償

永佑寺瞻拜

神御作

下馬先瞻

神御宮觀揚惟切一心中砌蟲仍是向來韻庭樹又披

今度風穹塔傑碑落巍煥

是年舍利塔初落成碑以誌事

祖功

宗德並高崇幸逢秋穡將登稔待歲殷懷

昔日同

十畝山田待歲豐
皇祖御製詩句也

登永佑寺舍利塔作歌

玲瓏九層塔江南則夥江北無我因南巡忽欲肖傑構
曾倣六和報恩之塔於京都一圯一燬終弗歲厥事亦
吟誌過之作語出於衷實非誣同時建於此者乃無恙
鑒前轍命改築為以徐閱十年斯巍然成宰堵秋巡拾
級乃得暢意觀宏模八窓洞達琉璃道曾非枝撐蔽虧
之處尋幽途上造天門通顯氣其下惟有青雲扶列水

咫尺細似帶塞山遙拱圍如郭墮窮萬古橫遍十分界
到此一彈指頃皆空諸何況形家之言本誕幻區分南
北為拘墟是塔與京師所建同時經始或因二塔適然中輟惑於形家南北異宜之說不知山莊更
在京師之北又何以試看舍利光煥永佑龜林間因之
稱記中已詳及之詰戎馭遠懷久圖

碧峯寺

碧峯門裏碧峯寺法界慈雲此日開殿倚喬松如古剎
階圍流水作香臺佛無色相何需爾山有清真亦幻哉

為去聲是徑尋西峪路不妨過往輒留陪

味甘書屋

書屋臨清泉可以安茶銚取用乃不竭奚慮餅壘銷泉
甘茶自甘那繫龍團貌展書待爾澆頗復從吾好是中
亦有甘誰能味其調

迴溪亭

山凡一轉必迴溪溪上有亭翼若棲今日吾心頗悅豫
不妨觸處與留題

叢碧樓

下臨無地上虛空拾級心將顚氣通若問寺樓絕勝處
徘徊祇在碧雲叢

肩輿入西峪

肩輿入西峪輕雲籠日光樹下有微風時時送爽涼猶
恐肩者勞數息審不妨秀起堂名雖尚遙空翠樓名當路旁
可以坐而憩况無要務忙

空翠書樓

一谷秋風衣袂涼
飄飄空翠染山光
浮來忽向庭陰落
孟氏詩中得趣長

有真意軒

開我今秋窓拂我昨年席
歷歷有今昨碧空乃無迹
刻土緣構軒土已變石
壁雲散不覺欠雲來不覺並咄哉
均戲論真意非語默

對畫亭

月戶團團不藉修
座中何異廣寒遊
四山飛翠雲垂脚

一谷含涼樹動頭極目總無塵可對沃心惟有靜為謀

展來畫幀伊誰筆王氏臨平正曉秋

石渠寶笈有王蒙臨平曉秋圖

秀起堂

四圍翠合遙拖嶺中間秀起獨成堂石級高攀遂據榻
山村望見還隔牆萬頃與翼兆稔歲一天寥朗澄秋光
信筆書之欣所遇何須故事徵縹緗

振藻樓

每歲來巡必值秋千山朗日翠煙浮問誰欲繼歐陽賦

振藻應須陟此樓

張雨做鄭虔林亭秋爽圖即用其韻

却掃清秋共澗盤
松風隔岸拂衣寒
漫言三絕真稱絕
嗣響廣陵有客彈

細雨

巖雲生傍晚
細雨灑閒庭
落字惟知白
藏山如護青
久晴宜黍隴
繼潤利蕎町
無可無不可
此時心暫寧

出麗正門恭迎

皇太后駕至山莊

昨宵霏細雨誠恐礙

輿行半夜全開霽歡生策馬迎

康強緣

大德遊豫

喜西成自並無疆

壽詎惟必得名

晴

宵雨曉來晴秋陽更益晶衆情欣路坦多稼待西成疊
嶂雲端翠一蟬樹杪聲蒸炎定何礙風處有涼迎

松鶴清越二首

皇祖奉

寧壽庭前影植松老龍鱗已作百行

孝為宗風過聲猶謖秋來翠越濃祇疑蒼蔚處定有偓
佺逢

右松

前歲放雙鶴時時還自來秋巡今即

昔至樂約而該丹嶠彈喉響碧霄振翅迴琳輿不須駕

王母在瑤臺

右鶴

題秋澂齋

山齋秋日坐秋景恰方澂爽氣在蘭沼霽光浮榭陵有
雲惟點綴無字不寬弘設問安心處玉壺都是冰

靜餘軒

動復歸有靜靜更動之初以茲相衡校端知靜有餘此
意自古然而我名山居山靜所會幾餘常憩諸或時
詠新什或時讀古書皆足澄心神庸渠去聲遊空虛無逸
曰不遑是同非異如

黃鼎秋日山居

屋非覆瓦祇誅茅黃葉邨中多古交邂逅設如遇陽叔
韋編只問遯三爻

午熱

午熱今朝劇樹陰坐屢遷無妨延爽籟所喜熟山田仍
換單衣好重持秋扇捐明當處暑節婪尾故應然

荷

嫋嫋點芳津居然七月春地高紅染重露滿綠擎勻寧
止鳬忘去還饒鹿欲親塞中君子者疑是姓蘓人

泛舟即景四首

去歲淤泥大剗治新秋活水滿清池輕舟訝似行於鏡
凡事因思在豫為

錦雲叢裏衆香醺真是泉甘土亦甘千葉蓮花大於斗
誰云塞北遜江南

菰蒲澹蕩野鳬依疑似江鄉是也非舟過無心學相狎
見人故自不知飛

西山一帶浸湖光簇簇芙蓉波底藏攀陟何須勞步履
坐遊耐可泛沙棠

玉岑精舍

精舍意所屬萬玉圍崔嵬却以無多暇三日方一來亟

深故益靜心與化機諧是間無別物巖鹿時相陪

小滄浪室

迴廊盤石磴飛閣棲嶙峋名之小滄浪責實似不倫忽
然山雨來滿室涼風新懸者為銀瀑渟者為玉津滄浪
真滄浪吾將濯纓塵

湧玉亭

一杯亦稱渟一線亦稱流孰非玉為喻冷然清兩眸今
朝恰值雨注壑勢弗留歸墟湧亭下聲色戛擊球忽然

思齊安快哉似可侔

山雨

七月廿四日

山雨欲來滿谷涼，斜飛倏忽蔽山光。
常侍肩輿方技癢，駿奔捷走誰辭忙。
淋漓濕衣仍弗免，巖齋未至曦放陽。
爾足詎較雲行速，小勤可喜不可長。

陸治丹楓秋色即用其韻

溪亭樹色誰為染，寺閣鐘聲儼若聞。
却似江南秋未老，

遠峰猶見黛螺紋。

治詩云野鷗飛點亂沙文，細玩其意當為紋字之誤，因並識卷中。

夜雨

七月廿五日

邇日山中雖細雨為時弗久輒復晴屈指快霽過半月
正需一雨滋晚耕夜半簷響落霽霽歇枕聽處淅涼生
後車千乘率已到更無須厓漸石情但祝宜暘曝皎日
佇待萬寶歌西成

處暑

今朝處暑節一氣遍九州豈識山莊境原無暑可留落
雨絲絲涼披風樹樹秋昨午忽騰熱故知孤注投排日

吟詠間不覺歲月道

雨中觀瀑

隨山疏映咽瀉澗垂幡纚何時不宜觀最宜觀雨裏
藻與淙淙色色聲聲美接上疑有根落下復無底一合
相清真那可以言擬

晚晴

徹日秋雨踈復密既優既渥利晚田便教入夜定何礙
予情究願速霽焉似此求美復求善無厭欲實因農牽

申未酉初雲欲散西北風吹逐以全東山高處夕陽朗
涼颼爽氣澄滿川巖齋點筆意為快坐對宵景星斗懸
宜雨宜暘太如意益戒滿盈勵惕乾

頤志堂

几有箋毫架有書設論頤志莫斯如尊聞又曰行知貴
為是檢心恐負初

清舒山館

憩館自然會舒志當秋恰值最清期一天快霽與豁目

幾片閒雲不繫思
喬樹陰中風喜拂
好花芳處露常滋
箇間習靜居然合
却是吾恒鮮暇時

春好軒

春好如何好好於想像中
每來率秋月亦自有花紅萬
物一生意四時總化工
定期目擊者寧不付東風

巢翠亭即景

重翠陰中一笠虛
巖棲訝可喚巢居
斯之繫矩未能信
風俗何曾太古如

嘉樹軒

就樹構虛軒樹古軒亦然就軒將種樹樹長知何年事
半得功倍規摩貴通權塞風未振落綠陰猶團團偶來
坐匡牀爽氣澄秋鮮觸目有會心攬筆命華篇

曉

五更覺衾寒窓影猶未明假寐復醒來庭樹禽送聲昉
昕旋大朗東山朱鳥騰晨嵐落峭涼棉衣渾恰勝閣本
間兩朝限於置郵程勅幾則無間況有日奏呈

閣本例
隔兩日

馳至而各處驛遞奏摺及行在軍機辦理之事原無間日也

雖云偃軍旅方將籌牧

耕問政敢懈心協時彌厯情

即景

每愛棉衣禦曉寒午暄圖爽重

去聲

更單寒暄無定原有

定催熟山田萬寶攢

招涼榭

午熱復覺熾言憩招涼榭便自清風來副名信堪訝西
峯本無縫喬樹則有罅延颼而蔽曦妙境奪造化然予

引餘思壇代弗相假即看颯颯秋已謝炎炎夏奚用更
招涼且此欣宜稼

食蔗居

山莊居數日食蔗此初來一以暇少耳一以成久哉喜
新吾猶然厭舊人莫咍如言幽實幽能不片晌陪

小許菴

兩間巖屋可稱菴虛受朝霞與夕嵐設向南華齊小大
須彌叢葉亦閒談

倚翠亭

一間亭窈窕數仞壁嶙峋倚處若無地翠中寧有垠窓
虛重去聲來凭廊轉適堪循畫裏伊誰格王家荷葉皴

塞樹

塞樹常自茁本不畏霜雪築牆為山園斯有賴培活去
歲見林稀申命護萌蘖譬彼十圍木始生未條達足可
搔而絕手可擢而拔林丞奉行善拊芽都識別平野及
高岡簇簇荆標設既免鹿蹂躪那慮人拗折十年計堪

指千章望無缺是謂因地利何煩用力訪育材得良方
寧弗心生悅棧樸詠周詩輒復慚矩絜

靜含太古山房

太古以來山築房含以靜孰古抑孰今房用無言領我
心亦如之小坐趣為永巖風送爽至欣披真即景

不遮山樓

山樓倚巖出青霞凸態凹姿總不遮獨有當窓一枝好
天然小幅展倪家

趣亭

十笏未為廣四時寧有窮
延來總佳景妙處是天工
秋葉尚餘綠山花亦作紅
如詢趣所得不在色形中

八月朔日作

四野纖雲淨一天爽氣浮
星虛當半夜日納識中秋
退暑人心愜毳毛獸色柔
木蘭行已近慶節為遲留

過武列水詣溥仁寺瞻禮

武列潦全退紫橋宛易堵
過河路非遠策馬意為怡
香

界梵聲出窅天霽色披早梁有穫者按轡看移時

賦得澹泊敬誠

處處瞻

奎藻殷殷仰

聖情標言澹以泊繼曰敬子誠明志由斯要持心在合

并居存守良矧煩擾去私營

易正義序不煩
不擾澹泊不失

無欲函三

契有為得一貞

堯茨垂永煥

虞典溯惟精

翥鶴三首

翥鶴翩翹掠過軒不低還復不高騫分明自適雲山樂
亦自未忘梁稻恩

山城飛出又飛來大異籠中大快哉一舉吾因獲兩得
何曾少却羽仙陪

養成羽翼那長往祇繞山莊鳴戛然不是東坡遊赤壁
揖予宛遇鶴衣仙

澄觀齋

萬物到秋澄巖齋名獨稱水清必見底雲斂若無朋目
不礙空寄心惟與靜凝覓觀竟難得何處問南能

翠雲巖口號

曰已雲間亦有雲綠縈青邏尚縝紛數聲山鳥非絲竹
疑是八琅空際聞

水月精舍

水本月所生月復水中含精舍據巖標得一還無三我

來每值晝清華曾未覘咄哉循色相了無契理談

綠雲樓

小樓峭崖巔崖高樓並迥上下一綠間恰似雲垂影弗
雨雅宜晴含風亦惟靜鹿蹤映日迷鶴聲依露敬言開窓
因展書趣在羲皇境

千尺雪

午炎火迫塞田黃都喜今年秋信長設使竭來千尺雪
定知飽沃洗心涼

顧渚烹泉成例事越甌犀液早擎來尚茶不誤斯為喜
火候安知文武哉

寒山鼻祖塞山同猶憶吳人體物工若以來源雲外計
便教倍萬也難窮

題寧靜齋

山以靜為德復以寧為體書齋倚碧山稱去聲名固其理

庭餘綠樹圍砌有秋花美金風玉露間致遠惟清綺稱

平孔殊近哉寧靜以致遠孔明之語也坐可觀無始

玉琴軒

水曲復山深，文軒號玉琴。
非桐曾出爨，是璞定藏琳。
魚泳宛知樂，禽鳴每和去聲音。
奚愁聲撲刺，萬古響秋金。

山田

山田將及熟，偏喜午暄催。
已有腰鑱出行看，踏碓開
畝成。大穗時雨免，汙萊薄賦還。
逢稔吾民庶，慰哉

稚松

稚松得地放新枝，老幹凌雲定可期。
自喜栽培出豐蔕，

去年猶記雨中移

金廷標羣嬰撲棗圖

八月珠丸可剥辰羣嬰撲取曲池濱却看晚芰猶舒艷
那許交梨獨擅珍挈袂收來神特雋擎盤承處態如真
何須肥瘦較兄弟總是其間能讓人

敞晴齋

傍晚嵐氣爽策馬聊山行遂造山中齋其名曰敞晴一
天朗霽煙千里近虛楹低谷色已暝高峯照猶晶所得

殊勝常真足欣予情情欣詎在茲多稼將西成

繪韻樓

小小山樓纔兩間千巖萬壑座中攀畫家妙訣無多予
一字曰惟於韻閑

清綺書屋

山房不在多高下即殊致捲幙迴延眺據榻靜澄思秋
花紛綺錯秋意惟清寄小憩夕照明涼靄落巖翠含青
齋隔谷還可跋遊騎

策馬至含青齋

隔谷巖齋路不遙
乘閒遂與款松寮
誰知攬景忽逾歲
且是駐莊已十朝
此最佳寧當起置
縱無語亦解相邀
萬年松下脂成珀
聞說偓佺曾遺去聲堯

挹秀書屋

逐處山房可貯書
貯書為問意何如
寧須富誦三萬軸
無逸一篇已愧予

松霞室

彭澤先生徑華陽隱士家居安彼皆合寓意我聊嘉夕
照何妨染朝嵐故與斜便宜斯室者四季蔚青霞

紅葉

紅葉奚曾定待霜數枝早自爛晴陽塞山殊勝於何見
火迫秋光是所長

降旨免甘肅鞏昌等府本年正賦詩以紀事

甘肅乃窮邊地瘠民亦貧方當軍行時未免供應頻歷
年寬正賦損上義經云邇年大功成役罷興耕酌秋稅

以例輸踐土義所遵今夏忽缺雨數郡旱象臻西望為
民傷艱亨胡易屯方伯及有司善撫命屢申賑濟毋或
遺俾無溝壑淪蠲糧有定例被灾按數分念此惻獨哀
破例與豁均庶幾逭催科閭閻鮮吏人相將種秋麥以
待接明春

夜雨

八月初
四日

歌枕聞簷響雨零夜未央那垂十日節恰送滿齋涼
菴坂花湔白黍岡穗沃黃明朝晴益好宜潤不宜長

午晴

曉煙猶覺戀秋空
卓午飛來西北風
幾縷輕雲隨泮散
一天曠日喜晴烘
曰蕎曰菜晚田潤
時雨時暘造化工
眼見康年歌玉塞
繾懷關內可相同

半月池

沙溪易映咽歲久
賴疏治一以漲潦
容一以灌輸資昨
夏駐山莊晝長多
暇時剔髮去淤壅
成此半月池今來
益澄泓巖風落漣
漪飲鹿喜羣友樂
魚育鯢鰕玉輪方

上弦相映清光披

釣魚戲題

野水蒼烟曲岸濱持竿意不在求鱗了知跼餌勞勞者
人匪釣魚魚釣人

永恬居

駐久方言至居真委宛歲憑窓思昔景開牖納山光蛩
有殷勤韻花惟自在香永恬垂

聖訓甄性那宜忘

素尚齋

書齋猶在上便與步丹梯悅志延新趣欽心仰

昔題泉聲銀鑿落樹影綠玻璃瓌高嶺夕陽好看時旋旋

去聲低

肩輿

肩輿徐復向西尋衣漸生涼山漸深不是遊懷太酣放

情知創得

齋名

待予吟

題創得齋

石門重此步清秋齋室猶然峯上頭
庭際松排若張蓋
階前雲布訝乘舟
愛山不盡供詩料
樂水惟清與性投
一晌徘徊旋復去
祇饒粉壁又題留

枕碧樓

一碧憑萬頃是樓非岳陽
霜前色猶重
風裏意含涼
灑帶秋霖潤
晶翻夕照光
山田縱遙目
却喜有雲黃

夕佳樓即景

今日登樓正及時
千山佳氣暎鬚眉
破除思慮歸澄照

五柳先生不我欺

過嶺遂至水月庵

一障隔東西陟高易降低因垂功倍局遂步熟由蹊石
棧曾非遠竺庵宛若篴夕陽別嶺上滿谷晚涼淒

襍言

西峯夕照漸漸低東峯夕照漸漸高淺澗流水聲激越
深澗流水聲蔽韜無心即鹿近偏狎有心即鹿遠已跳
山中所得率如此萬物皆備於我矣

新月

最喜中秋月年年見塞山片雲淨宇斜漢露新彎桂
影婆娑外蟾光醞釀間嵐寒落湖水遊舫繫須閒

秋英

秋英本最幽塞中幽更美如彼巖壑間處之以君子各
種無不具繞砌舒寒蕊翻風鬱金黃浥露琅玕紫遊鹿
尚忘去稚蜂自應止觸目已澄神何必膽瓶裏便擬贈
以言還當戒其綺

題董邦達山水畫

高嶺隆崇下有溪林煙杳靄望中迷天然枉轡郊端杜
為問何人此隱棲

右煙磴寒林

山莊展畫乃漁莊野水平橋帶草堂不是無端作生面
應緣熟處未能忘

右漁莊野釣

山行即景四首

茂林之下常停步曲澗其間足洗心試問山莊絕勝處
解能物物效深沈

一片浮雲蔽日光紗衣頓覺滿山涼須臾雲過原蒸熱
無定寒暄自有常

雨過山蹊蹤印鹿秋薰花氣翅迷蜂翠微深處筍頭似
定有廣成驀地逢

谷惟溫藉連天靜峯益清超拔地奇祇惜唐人鮮到此
曾誰留得一章詩

荷露烹茶

花草皆溫露不如擎以荷荷露是處美美莫山莊過塞
天蒸沆瀣顆顆珠光摩取之既不盡用之不竭多與茶
投氣味煮鼎雲成窠清華沁心神安藉金盤他